



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De illis quos vnus aut ambo parentes sanctæ religioni tradiderint. Cap. i.

**urn:nbn:de:hbz:466:1-10722**

# D. Burchardi

## ECCLESIAE VVORMACI-

*ensis Episcopi, de Viris ac fœminis*

*Deo dicatis, Decretorum*

*Liber VIII.*

### VRGUMENTVM LIBRI.

Libro hoc de Viris & fœminis, qui Deo dicati, sacrum propositum reliquerunt, deque eorundem pœnitentia, tractatio instituitur.

*De illis quos vnus aut ambo parentes sanctæ religioni tradiderint. Caput I.*

Quoniam hucusque dissolutæ operationis effectus interdû nutare fecit honestum cõstitutionis edictum, dum incognitè resoluti putatur, quod indissolubili sanctionis autoritate tenetur: ideo quicquid obuiû ex incerto occurrerit, euidenter abici decet, vt de cetero nihil supersit, quod indubiû nutet. Ideoq; si in qualibet minori ætate, vel religionis tonsuram, vel religioni debitâ vestem in vtroq; sexu filiis, aut vnus aut ambo parentes dederint, certè vel nolentibus, aut nescientibus se susceptâ, & nõ mox visam in filiis abdicauerint, sed vel coram se, vel corâ Ecclesia palamq; in conuentu eosdem filios talia habere permiserint, ad secularem reuerti habitû ipsi filii quandoq; penitus nõ licebit, sed cõuicti quod tonsuram aut religiosam vestè aliquâdo habuerint, mox ad religionis & cultum habitumq; reuocentur, & sub strenua dictione huiusce obseruantie inferuire cogantur. Parentibus sanis filios religioni contradere nõ amplius quã vsque ad duodecimû ætatatis eorum annum licentia poterit esse. Postea verò an volûtate parentû, an suæ deuotionis sit solitariû votû, erit filiis licitû religionis adsumere cultû. Quisquis autem, vel abolitione tôsure, vel secularis vestis assum-

*Ex cõcl.  
Tolet. II  
cap. 6.*

ptione detectus fuerit: attigisse transgressionē, excommunicationis censuram accipiat, & religioni semper inhereat.

*De virginibus quæ sponte, non coactæ parentum imperio, habitum religionis susceperunt. Cap. II.*

*Ex decr. Leonis pape. c. 17.* **P**Vellæ quæ non parentū coactæ imperio, sed spontaneo iudicio virginitatis propositū atque habitum susceperunt, si postea nuptias eligunt, prauaricantur, etiam si nondum eis gratia consecrationis accessit. Cuius utiq; non fraudarentur munere, si in proposito permanerent.

*De illis qui se ante legitimos annos totonderunt, & velauerunt. Cap. III.*

*Ex cōcil. Mogūti. cui inter fuit Carolus imperator & Ricolphus archiepiscopus in claustro S. Albani, ca. 20.* **S**I quis ante annos legitimos tonsuratus est sine consensu parentum suorum, & si ipsi parentes infra annum nō se reclamauerūt ad principē, aut ad proprium episcopum, aut ad missum dominicum, in ipso clericatu permaneat. Si vero post legitimos annos per vim clericus factus est, & infra annū ad sup memoratas personas minimē se reclamauit, ita in clericatu permaneat, sicut is, de quo superius dictū est. Si vero præfata personæ infra annū reclamationem fecerunt, hi qui eos clericos fecerunt, ipsis siue parentibus eorū hoc per legem exoluant, quod contra eos cōtraxerunt. Ille verò qui ante legitimos annos tonsuratus est, vtrū in eadem tonsura permanere debeat nec ne, in potestate sit parētū. Si verò is qui tōsuratus est, alicuius seruus fuit, dño per legem emendetur, qui quid de eius seruo contra eum contra actū est. Ille verò qui tōsuratus est, vtrū in eadē tōsura permaneat, in potestate sit dñi sui. Si verò hi qui liberi sunt, ante legitimos aut post legitimos annos, hoc modo, sicut superius taxatū est, tōsurati sunt, & ad gradus Ecclesiasticos puenerint, in eisdē gradibus perseuerare cogantur. Si verò seruus, qui superius taxato modo tōsuratus est, & ad gradus Ecclesiasticos puenerit, dño suo per legē emendetur, & ei redditus in suo gradu permaneat. Hoc & de velandis puellis obseruandum est.

*De illis qui semel in clero deputati sunt, aut monachorum vitam expetiuerunt. Cap. IIII.*

*Ex cōcil. Chalced. cap. 7.* **Q**ui semel in clero deputati sunt, aut monachorū vitam expetiuerunt, statuimus neque ad militiā, neque ad dignitatē aliquam venire mundanam: sed hoc tentantes & nō agentes pœnitentiā, quò minus redeant ad hoc quod propter Deū primitus elegerūt, anathematizari.